



Na osnovu člana 2. stav 1. tačka l) 2., člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22), u otvorenom postupku za nabavku agregata za alternativno napajanje OC CZ, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za nabavku agregata za alternativno napajanje OC CZ, iz razloga što jedina zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-12227/24 od 19.06.2024. godine. Obavještenje o nabavci broj: 1355-1-1-140-3-212/24 objavljeno je na Portalu javnih nabavki dana 22.08.2024. godine kao i u Službenom glasniku BIH broj: 60/24 od 06.09.2024. godine.

Procijenjena vrijednost za predmetnu nabavku iznosila je 51.280,00 KM bez PDV-a.

U krajnjem roku za dostavu ponuda, Ugovorni organ zaprimio je samo jednu ponudu konzorcija „TRANZIT ELEKTRO“ d.o.o. Zenica i „ALBAT“ d.o.o. Sarajevo.

Ponudaču je upućen zahtjev za potvrdom ispravki grešaka sa napomenom da ukoliko odbije potvrditi predložene ispravke u skladu sa članom 68. stav 4. tačka g) Zakona o javnim nabavkama, ponuda će biti odbačena i neće biti uzeta u dalje razmatranje pri bodovanju i rangiranju ponuda.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Konzorcij „TRANZIT ELEKTRO“ d.o.o. Zenica i „ALBAT“ d.o.o. Sarajevo je nakon zahtjeva da potvrdi računске ispravke, iste potvrdio dana 27.09.2024. godine, pa njegova ukupna cijena ponude za nabavku agregata za alternativno napajanje OC CZ iznosi 51.280,01 KM bez PDV-a.

Procijenjena vrijednost nabavke za nabavku agregata za alternativno napajanje OC CZ iznosi 51.280,00 KM bez PDV-a. S obzirom da visina ponude konzorcija „TRANZIT ELEKTRO“ d.o.o. Zenica i „ALBAT“ d.o.o. Sarajevo, nakon potvrde ispravki računskih grešaka prelazi procijenjenu vrijednost nabavke ista se smatra neprihvatljivom u skladu sa članom 2. 1) 2) Zakona o javnim nabavkama, te ne ulazi u dalju evaluaciju ponuda.

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-12227-2/24

Datum: 27.09.2024. godine

DOSTAVLJENO :

- 1 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a

